

活人慈航



三十二



眼科選方

眼科選方



福集上



家藏袖珍活人慈航眼科選方目錄

眼科總論

目痛

白眼痛

赤痛如郛

痛如針刺

頭痛

眉陵骨痛

陽邪風

嶺頂風

目赤

天行赤熱

瘀血貫睛

火脹大頭

神崇疼痛

大小雷頭風

陰邪風

遊風

暴風客熱

血貫瞳神

瞼硬睛疼

氣眼

左右偏頭風

卒腦風

邪風

暴露赤眼

色似胭脂



赤脉貫睛

腫脹

腫脹如杯

鵝眼凝睛

旋螺尖起

目癢

眼癢

蒸結勝脫

外障

黃膜上衝

花翳白陷

黃油

銀星獨見

赤絲亂脉

形如蝦座

因風成毒

神珠自脹

癢若虫行

赤膜下垂

蟹睛

翳如懸膽

聚開障

白珠青藍

狀如魚胞

旋臚泛起

珠突出眶

羞明怕熱

凝脂翳

斑脂翳

玉粒分經

聚星障



三焦障

湧波障

逆順障

陰陽翳

鴉腦內傷

劍脊翳

冰環翳

圓翳外障

水晶翳

魚鱗翳

釘翳根深

黑翳如珠

混睛障

五花障

睛中一點似銀星

肝虛積熱生翳

膜入水輪

撞刺生翳

因他患後生翳

瘀血

努肉攀睛

馬蝗積

肺痰

雞冠規肉

魚子石榴

輪上一顆如赤豆

脾病

倒睫拳毛

脾急緊小

脾肉粘輪

胞肉膠粘

脾翻粘臉

胞肉膠粘

目錄

信上之上

二五全

眼科



脾輪振跳

風沿

風眩赤爛

目淚

迎東

迎風熱淚

風衝淚出

漏睛

大眦漏

陽漏

外漏

目瘍

實熱生瘡

丘疹脾泛

迎風赤爛

迎西

無時冷淚

氣壅如痰

小眦漏

正漏

內漏

椒瘡

脾虛如球

眦赤爛

迎風冷淚

無時熱淚

陰漏

偏漏

粟瘡



風赤瘡痰

脾生玻核

木疳

火疳

土疳

金疳

水疳

目疔

小兒生贅

外因

被物撞破

物損真睛

振胞疼痛

觸傷真氣

飛絲入目

物偶入睛

眯目飛揚

目昏

睛黃視眇

乾澆昏花

起坐生花

螢星滿目

暴盲

青盲

雀盲

真睛膏損

膏傷珠陷

青黃膜出

瞳神散大

瞳神緊小

瞳神散側

小兒青盲

童神反背

目錄

信上之上

三

仁山

眼科





童神乾缺

雀目內障

傷寒愈後目病

妊娠目病

產後目病

女子逆經

行經目痛

輓轡轉關

風牽喎僻

雙目通睛

神珠將石

珠中通氣

能遠視不能近視

能近視不能遠視

目妄見

神光自見

黑夜分明

視正反斜

視定反動

視物顛倒

視一為二

視瞻有色

視赤如白

光華暈大

目直視

目上視

神水將枯

小兒疳眼

小兒通睛

痘毒入目

因風

因毒

因他

時復

內障



撥內障法

黃風內障

絲風內障

仰月內障

錄映童神

冰翳內障

散翳內障

偃月侵睛

黑花翳

目錄止

青風內障

黑風內障

烏風內障

如銀內障

雲霧移睛

滑翳內障

浮翳內障

棗花翳障

五風變成內障

綠風內障

銀風內障

偃月內障

如金內障

圓翳內障

渣翳內障

沈翳內障

白翳黃心

龍木論內障根源歌



南京中醫藥大學圖書館版權所有

目錄

言上之上

四

二

山

限

家藏袖珍活人慈航第拾卷

信集上

福建汀州府長汀縣監生鄭 尊 玉成字紹宗號直方纂輯

邑庠生 男 汝恭謹鈔

眼科選方

眼科總論

經云瞳子黑眼法於陰白眼赤脉法於陽故陰陽合傳而精  
明 五臟六腑之精氣皆上注於目而為之精精之窠為  
眼骨之精為瞳子筋之精為黑眼血之精為絡其窠氣之  
精為白眼肌肉之精為約束最擷筋骨血氣之精而與脉  
并為系上屬於腦後出於項中 東方色青入通於肝開  
竅於目藏精於肝 肝氣通於目肝和則目能辨五色矣  
人臥血歸於肝肝受血而能視 心合諸脉諸脉者皆

總論

信上之上

青心眼科



屬於目

東垣云心事煩冗飲食失節勞役過度故脾胃虛弱心火太盛則百脉沸騰血脉逆行邪害空竅則日月不明也夫五臟六腑之精氣皆稟受脾土而上貫於目脾者諸陰之首也目者氣血之宗也故脾虛則五臟之精氣皆失所司不能歸明於目矣心者君火也主人之神宜靜而安相火代行其令相火者包絡也主百脉皆榮於目既勞役運動勢乃妄行及因邪氣所并而損其血脉故諸病生焉凡醫者不理脾胃及養血安神治標不治本不明正理也

經云目眦外於面者為銳眦在內近鼻者為內眦上為外眦下為內眦 診目痛赤脉從上下者太陽病從下上者陽明病從外走內者少陽病太陽病宜溫之散之陽明病宜下之寒之少陽病宜和之

子和云聖人雖言目得血而能視然亦有太過不及也太過  
 則目壅塞而發痛不及則目耗竭而失明故少年之人太  
 過多老年之人不及多但年老之人其間猶有太過者不  
 可不察也夫目之內眥太陽經之所起血多氣少目之銳  
 眥少陽經也血少氣多目之上網太陽經也亦血多氣少  
 目之下網陽明經也血氣俱多然陽明經起於目兩旁交  
 頰中與太陽少陽俱會於目惟足厥陰經連於目系而已  
 故血太過者太陽陽明之實也血不及者足厥陰之虛也  
 故出血者宜太陽陽明蓋此二經血多故也少陽一經不  
 宜出血血少故也刺太陽陽明出血則目愈明刺少陽出  
 血則目愈昏要之無使太過不及以養血脈而已凡血之  
 為物太多則濫太少則枯人熱則血行疾而多寒則行遲  
 而少此常理也目者肝之外候也肝主木木之為物太茂

總論

信上之上

二

青心眼科



則蔽密太哀則枯瘁矣夫目之五輪乃五臟六腑之精華  
宗脈之所聚其白入屬肺金肉輪屬脾土赤脈屬心火黑  
水神光屬腎水兼屬肝木此世俗皆知及目有疾則不知  
病之理豈知目不因火則不病何以言之白輪變赤火乘  
肺也肉輪赤腫火乘脾也黑水神光被翳火乘肝與腎也  
赤脈貫目火自甚也能治火者一旬可了故內經曰熱勝  
則腫凡目暴赤腫起羞明隱瀼淚出不止翳膜遮睛皆大  
熱所為也治火之法在藥則鹹寒吐之下之在針則神庭  
上星前頂顛會百會血之翳者可使立退痛者可使立已  
昧者可使立明腫者可使立消惟小兒不可刺顛會為肉  
淺薄然小兒水在上火在下故目明老人火在上水不足  
故目昏經曰血實者宜決之又曰虛者補之實者瀉之如  
雀目不能夜視及內障暴怒大憂所致也皆汗主目血少

禁出血止宜補肝養腎至於暴赤腫痛皆宜針刺前五  
出立已次調油塩以塗髮根甚者雖至於再至於三可  
也量其病勢以平為期余自病目服藥難效甚重用刺法一次得效二次全愈甚驗

金之精騰結而為氣輪木之精騰結而為風輪火之精騰結

而為血輪土之精騰結而為肉輪水之精騰結而為水輪

氣輪者目之白睛是也內應於肺西方金肺主氣故曰氣

輪金為五行至堅故白珠獨堅於四輪肺為華蓋部位至

高主氣升降少有佛鬱諸病生焉血隨氣行若佛鬱則火

勝而血滯病變不測故氣輪先赤金尅木而後及風輪也

金色白故白澤者順也風輪者白內青睛是也內應於肝

東方木目竅於肝春生萬物色滿宇宙惟目能鑒此輪清

脆內包膏汁有涵養瞳神之功其色青故青瑩者順世人

多黃濁者溼熱之害小兒之色最正至長食味則泄其氣



而色亦易矣血輪者目二角大小眚是也內應於心南方  
火心主血故曰血輪夫火在目為神光火衰則有昏瞶之  
患火炎則有焚燥之殃雖有二心而無正輪心君主也通  
於大眚赤者實火也心包絡為小心相火也代君行令通  
於小眚故小眚赤者虛火也若君主拱默則相火自然清  
甯矣火色赤唯紅活為順肉輪者二脾是也中央土脾主  
肉故曰肉輪脾有二葉運動磨化水穀外亦二脾動靜相  
應開則萬用如陽動之發生閉則萬寂如陰靜之收斂土  
藏萬物而主靜故睥合則思睡此藏納歸靜之應也土為  
五行之主而散四輪其色黃得血而潤故黃澤為順也  
華元化曰目形類員瞳神居中而前如日月之麗東南而晦  
西北也內有大絡六謂心肝脾肺腎命門各主其一中絡  
八謂胃膽大小腸三焦膀胱各主其一外有支網絡莫



其數皆懸貫於腦下連臟腑通暢氣血往來以滋於目  
後凡病發各有形色絲絡顯見而可驗內之何臟腑受病  
也外有二竅以通其氣內有諸液出而為淚有神膏神水  
神光真氣真血真精此皆滋目之源液也神膏者由膽中  
滲潤精汁積而成者能涵養瞳神衰則有損神水者由三  
焦而發源先天真一之氣所化在目之內雖不可見然使  
睛物損破則見黑膏之外有似稠痰者是也在目之外則  
目上潤澤之水是也水衰則有暴躁火勝之患水竭則有  
目輪大小之疾耗瀆則有昏眇之危虧者多盈者少是以  
世無全精之目神光者謂目自見之精華也夫神光發於  
心原於膽火之用事神之在人大矣在足能行在手能  
握在舌能言在鼻能嗅在耳能聽在目能視神舍心故發  
於心焉真血者即肝中升運滋目經絡之血也此血非比



肌肉間易行之血因其脈絡深高難得故謂之真血也真  
氣者蓋目之經絡中往來生用之氣乃先天真一發生之  
原陽也大宜和暢少有鬱滯諸病生焉真精者乃先後天  
元氣所化精汁起於腎施於膽而後及於瞳神也凡此數  
者一有所損目則病矣大概目員而長外有堅殼數重半  
有清脆內包黑稠神膏一函膏外則白稠神水水以滋膏  
水外則皆血血以滋水膏中一點黑瑩是腎膽所聚之精  
華唯此一點獨照鑿視空闊無窮者是曰水輪內應於腎  
北方水也妙在三焦膽汁腎氣心神也五輪之中四輪不  
能鑿唯瞳神乃照物者風輪則有包涵衛養之功風輪有  
損瞳神不久留身或曰瞳神水之氣也血也膏也曰非也  
非血非氣非水非膏乃先天之氣所生後天之氣所成陰  
陽之妙蘊水火之精華也善水之養膏膏護瞳神氣為運

用神則維荷喻以日月理實同之而午前小午後則大抵  
隨天地陰陽之運用也大抵目竅於肝主於腎用於心運  
於肺藏於脾有大有小有員有長亦由稟受之異男子右  
目不如左目精華女子左目不如右目光明此各得陰陽  
氣分之主也然聰愚佞直柔弱剛強壽夭亦能驗目而知  
之神哉豈非人身之至寶乎

八廓應乎八卦脉絡經緯於腦貫通臟腑達血氣往來以滋  
於目廓猶城廓然各有門路往來而匡廓衛禦之意也乾  
居西北絡通大腸之腑臟屬肺肺與大腸相為陰陽上運  
清純下輪糟粕為傳送之官故曰傳道廓坎正北方絡通  
膀胱之腑臟屬於腎腎與膀胱相為陰陽主水化之源以  
輸津液故曰津液廓艮位東北絡通上焦之腑臟配命門  
命門與上焦相為陰陽會合諸陰分屬百脉故曰陰會廓

總論

信上之上


五

松記

眼科

震正東絡通膽腑臟屬於肝肝膽相為陰陽皆主清淨不  
受濁穢故曰清靜廓巽位東南絡通中焦之腑臟配肝絡  
肝與中焦相為陰陽肝絡通血以滋養中焦分氣以化生  
故曰養化廓離正南方絡通小腸之腑臟屬於心心與小  
腸相為陰陽為諸陽受感之胞故曰胞陽廓坤位西南絡  
通胃之腑臟屬於脾脾胃相為陰陽主納水穀以養生故  
曰水穀廓兌位正西方絡通下焦之腑臟屬配腎絡腎與  
下焦相為陰陽關主陰精化生之源故曰關前廓臟腑相  
配內經已有定法而三焦分配肝腎者此眼目之配法也  
故目專竅於肝而主於腎故有二絡之分配焉左目屬陽  
陽道順行故廓之經位法象亦以順行右目屬陰反是逆  
行察乎二目二皆之分別昭然可見

按八廓非出內經及補不足論不可信  
照八廓分經法論



看目赤脈系終照內經內外皆分辨三陽表裏為是

開導說

夫目之有血為養目之源

全而目不病虧滯則病生矣猶物之有水為生物之澤時中則灌溉滋生之得宜而物秀旱澇則物壞矣皆一氣使之然也是故天之六氣不陰陽偏勝旱澇承之水之盈虧不一物之秀穉不齊雨暘失時而為物害也譬之山崩水湧滂沛妄行不循河道而流任其所之不得已而疏塞決隄以泄其溢使無淪溺昏墊之患人之六氣不和水火乖違淫亢承之血之旺衰不一氣之升降不齊榮衛失調而為人害也蓋由陰虛火熾災熾錯亂不遵經絡而來鬱滯不能通暢不得已而開塞導痰以瀉其餘使無脹潰損珠之患與戰理同其所有六謂逆香內脾上星耳際左右太

開導說

信上之上

六

松記

眼科



陽穴也內睥正隊之衝鋒也其功雖遲漸收而平順二太  
 陽擊其左右翼也其次之上星穴絕其餉道也內迎奮抵  
 賊之巢穴也成功雖速乘險而征耳際擊其遊騎耳道  
 功卑智者不取此實極危之良術挫敵之要機與其閉門  
 捕賊不若開門逐之為良法也蓋病淺而邪不勝正者固  
 內治而邪自退矣倘或太陽炎熾不若開導通之縱使其  
 虛雖有所傷以藥內治之功而補其所虧庶免瘀滯至極  
 而有潰爛枯凸之患惜乎開導之法利害存焉有大功於  
 目人不知有隱禍於目而人亦不知其摧鋒挫銳臨大敵  
 而極禍亂此其功之大也耗液傷膏弱光華而泛滋生此  
 其禍之隱也唯能識症之輕重目之虛實而伐之無過不  
 及之藥無可為醫之良者

上星穴入髮際一寸陷中容豆許 太陽穴眉後陷中太陽紫脈上  
 用帛一條系纏項頸紫脈即見



病有內外治有不同內疾已成外症若無  
 何益外有紅絲赤脈若初發乃微邪退後乃餘賊  
 消服之猶愈內病始盛而不內治只泥外點者不唯  
 無功且有激發之患內病既成外病已見必須內外  
 點服并行奈之何人有愚拘不同有喜服而畏點者  
 有喜點而畏服者不知內疾既發非服不除外疾既  
 成非點不退濟其流不若塞其源伐其枝不若斷其  
 根揚湯止沸不若釜底抽薪此謂治本也內病既發  
 不服而除者未之見也物污須濯鏡垢須磨脂膏之  
 釜不經滌洗焉烏能清淨此謂治標也若外障既成  
 不點而去者亦未之見也若內障不服而點者徒激  
 其火動其氣血反損無益服而點者亦然外障服而  
 不點病初發浮嫩不定者亦退既已結成者服雖不  
 發不長所結不除當內外夾攻方盡其妙

點服藥說

信上之上

七

小兒眼科



鈎割針烙說

鈎者鈎起之謂割割去也針有砭針刺出血

有針撥瞳神之針烙即燂烙之烙此四者猶斬刈之割割

戮先頑之法也要在審鞠明而詳奪定然加刑先滅巨刺

次及從惡則情真罪當而良善無濫及之憂強暴無招

之患在治法乃開泄鬱滯滌除痰積之術也要在症候

白而部位分當始可施治先伐標病後去本病則氣血

而精膏無傷耗之患輪廓無悞損之失如鈎先須識定何

處皮肉筋脈浮淺而手力亦隨病輕重行之如金針先須

識定門障症候可針歲月已足氣血甯定者方與之庶無

差謬針後當照症內治其本或補或瀉各隨其症所宜若

只治其標不治其本則氣不定不久復為害矣割如在氣

血兩三輪者可割而大者一燒紅而乃血之英心之華也

若誤割之則目昏目眩耳鳴眼花耳聾耳鳴耳鳴耳鳴耳





元虛之人犯燥溼感者潰爛為漏為目枯凡障掩及  
之厚重者雖可割亦宜輕輕從旁淺掀起及諸病如  
勞向雞冠現肉魚子石榴赤脉虬筋內脾粘輪等症可  
餘病及在風輪之淺者候割之則珠破而目損烙能治殘  
風潰眇瘡爛溼熱久不愈者輕則不須烙而治自愈若紅  
障血分之病割去者必須用烙定否則不久復生在氣分  
之白者不須用烙凡針烙皆不可犯及烏珠不惟珠破亦  
且痛甚雖有惡障厚者鉤割亦宜輕輕淺披去外邊其  
內邊障底只點藥緩伐久自潛消若割風毒流毒瘀血  
等症當以活法治之不可拘於一定針瞳人反背又與內  
障之針不同在心融手巧輕重得宜須口傳親見非筆下  
之可形容大抵鉤割針烙之治功效最速唯有撥亂反正  
乃乘險救危要在心小而膽大症的面部當必兼內治方



盡其術

大全云夫目之有輪各應乎臟臟有所病必現於輪勢必然也肝有病則發於風輪肺有病則發於氣輪心有病則發於血輪腎有病則發於水輪脾有病則發於肉輪此五輪之易知也輪也色也已灼然而現症醫猶不知為目病之驗况亢則乘勝則侮併病合病自病傳病生尅制化變通之妙豈能知之乎大約輪標也臟本也輪之有症由臟之不平所致未有標現症而本不病者人不知輪之症則不知乎臟矣夫輪臟相應既不知輪則是標本俱不明何以知孰宜緩孰宜急而能治人之疾哉間有知輪臟標本而不知其中生此尅此自病傳病或併或合之不同則乘侮制化變通之妙又不能知又有知標本緩急自傳合併等症而又不知人之強者弱者氣在血所受所與當補當

瀉之不同則順逆反正攻守之治必不能知如此之醫

能治人之疾乎是患目者多而治目者少

大全外內二障論

夫內障之症不紅不紫非痛非癢惟覺

昏矇如有薄紗籠者有如霧露中者有如見黑花者有如見蠅飛者有如見蛛懸者有眉陵骨痛者有頭旋眼黑者皆為內障障者遮也如物遮隔故云障也其外障者乃睛外為雲翳所遮故云外障然外障可治者有下手處也內障難治者外不見症無下手處也且內障之人二目光明同於無病者最難分別惟目珠不動微可辨耳先賢俱言腦脂下垂遮隔童神故爾失明惟有金針可以撥之墜其翳膜於下能使頃刻復明予因深思眼乃五臟六腑之精華上注於目而為明如屋之有天窻也皆從肝膽發源內有缺道孔竅上通於目而為光明如地中泉脈流通一有



痿塞水泉則不通矣夫目屬肝肝主怒怒則火動痰生痰  
火阻隔肝膽脉道則通光之竅遂蔽是以二目昏蒙如烟  
如霧目一昏花愈生鬱悶故云久病生鬱久鬱生病今  
治者惟言肝腎之虛止以補肝補腎投之其肝膽脉道  
邪氣一得其補愈甚愈蔽致目日昏藥之無效良由通  
之脉道痰塞耳聾之水泉脉道塞而不流同一理也若肝  
腎虛至無甚於勞瘵者人雖將危亦能辨察秋毫由此推  
之因知肝腎無邪則目決不病至於外障必據五輪而驗  
症方知五臟之虛實而五臟之中惟腎水神光深居於中  
最靈最貴但一腎水而配五臟之火是火太有餘水甚不  
足腎水再虛諸火益熾因而為雲為霧為攀睛為痰肉然  
此症雖重尚可下手施治所用內服之藥惟以寬中開鬱  
順氣消痰滋陰降火補腎疎風為主點藥專以去翳明目

蓋先此治內外障之總法也 又心藏神運光於目勞暗  
久視目不轉睛留心內勞則心火動心火一動則眼珠隱  
隱作痛疾之所由起也若腎無虧則水能上升可以制火  
水上升火下降故雖勞神猶無大害惟腎水虧弱之人難  
以調治加以勞神水不上升此目終見損也

目痛

目痛有二一曰目眚白眼痛一曰目珠黑眼痛蓋目眚白眼  
屬陽故晝則疼甚點苦寒藥則效經曰白眼赤脉法於陽  
也目珠黑眼痛屬陰故夜則疼甚點苦寒反劇經曰瞳子  
黑眼法於陰也婁全善云夏枯草治目珠疼至夜則疼甚  
者神效或用苦寒點眼反疼甚亦效丹溪云夏枯草有補  
養厥陰血脉之功故治厥陰目痛如神按目珠痛連及眉  
陵骨及頭半邊腫痛遇夜則作用黃連點眼反大痛諸藥

目痛

信上之上

十

青心眼科



不效用夏枯草二兩香附子一兩甘草四兩為末茶下二錢四五日全愈大全云凡目痛皆屬於熱所致醫通用前方加入四物羌活治血虛目痛效

白睛痛多有赤脈視其赤脈從上下者太陽病羌活為使從下上者陽明病白芷為使從外走內者少陽病柴胡為使太陽宜散陽明宜下少陽宜和惡寒脈浮為有表脈實有力大便閉結為有裏亦有不腫不紅但沙瀼微腫昏痛者乃氣分隱伏之火肺脾絡有溼熱秋天多有此患醫通用桑白皮散醫宗白眼科俗呼為害白眼其症不紅不腫沙瀼疼痛多生赤脈紅絲乃脾肺絡傷溼熱兼氣分伏火上衝所致須看赤脈紅絲以辨三陽宜桑白皮湯加藥

山脈大頭症目赤痛而頭面浮腫皮肉燥赤也狀若大頭瘟症夏月多有此患有溼熱二種溼熱多淚而脾爛風



多脹痛而憎寒若失治則血滯於內雖得腫消而目必  
有變大全用普濟消毒飲按此當用大頭瘟症門藥內服  
外洗效

驗 硬睛疼症不論有障無障但二睛堅硬而睛疼痛或頭痛  
者尤急乃風熱在肝肝虛血少不榮運於目絡水無所滋  
火反乘虛而入會痰燥溼熱或頭風夾搏故血滯於皮肉  
睛因火擊而痛輕則內生椒瘡重則為腫脹如杯痰血貫  
睛等症治當傳退稍更翻皮開導之吉若堅硬之甚且漸  
漸腫起而痛及頭腦雖已退而復來其脹日高雖敷治不  
退不耍者此頭風欲成毒也宜服通肝散二水散醫宗云  
由膈中積熱肝經風毒上衝於目宜洗去痰服涼膈散外  
敷嫩腫膏

赤痛如邪症每日痛則頭亦痛寒熱交作如瘡狀凡病發則



目痛目痛則滿發輕則一年數發重則一月數發蓋肝腎之虛故熱者內之陰虛火動邪熱也寒者禁衛虛外之膝理不實而覺寒也不可作風寒瘧疾而用峻削之藥宜禁胡四物湯不效則宜養榮湯大全用十珍湯

神宗疼痛症醫宗平素無病忽然發動臉皮火熱睛珠如刺極痛難當此肝肺風熱上攻於眼不可劇洗宜服酒調洗肝散

氣眼症纔起氣則目痛宜酒調通氣散醫通云肝火過旺所致治同

痛如針刺症病在心經實火有餘之症若痛驀然一二處如針刺目睛不赤赤是心經流火別其痛在何部分以見病將犯其經矣宜速清及準繩云此症多有體勞目勞禁年





其火則殆矣大全云多體虛患淋濁之病所致宜加味八正散醫宗云睛珠忽然極痛猶如針刺微帶頭痛目眩目系緊急宜針太陽穴外散其邪內服加味八正散泄其熱

頭痛

頭痛子和云頭痛不止乃三陽受病也二陽分部頭與項痛者足太陽經也樁竹痛俗名眉陵骨痛者是也額角上痛俗呼為偏頭痛及足少陽足陽明經也如痛久不已則令人喪明以三陽受病皆胸膈有痰宿之致然也先以茶調散吐之吐訖可服川芎薄荷辛涼之藥叔和云寸脉急而頭痛是也

眉陵骨痛症有二眼眉肝有肝虛而痛纔見光明則眉陵骨痛甚宜生熟地黃丸有眉陵骨痛目不能開晝夜劇宜導痰湯丸之類如芽茶二陳湯吞白丸子亦效大全云眉陵

目痛 頭痛

仁上之上

十二石文眼科

骨痛多是肝火上炎怒氣甚者多有此患其謂風症亦火所致熱甚生風是也大抵抑肝火有風痰則兼治之

大小雷頭風症不論偏正但頭痛條疾而來疼至極不可

身熱目痛便閉結者曰大雷頭風若痛從小至大大

潤後燥小便先清後濁者曰小雷頭風大者害速小者

遲雖有大小之說而治則同若失緩禍變不測目必損壞

輕則癩凸重則結毒宜早為之救以免禍成治如頭風門

同法大全用清震湯按此湯治前之症非宜醫宗云內障初患之時頭

面多受風熱之氣冷熱之毒氣衝入頭中致頭中內響聲

如雷頭旋發熱日久衝入眼內腦汁下注瞳人變色或大

小不定實者服瀉肝散虛者服磁石丸

左右偏頭風症左邊頭痛右不痛曰左偏風右邊頭痛左邊

不痛曰右偏風世人往往不意久則左發損左右發損右



百有左損反攻右右損反攻左而二目俱損者若外有赤  
痛熱淚等病則外症生有昏眇眩運等病則內障生矣凡  
頭風痛左痛害左右痛害右此常症易治若難知者左攻  
右右攻左痛從內起止於腦則攻害亦遲痛從腦起止於  
目內則攻害亦速若痛從中間發及眉梁內上星中發者  
二目俱害亦各因其人感受觸犯左右偏勝起患不同遲  
速輕重不等然風之害人尤慘大全分六經而治太陽羌  
活少陽柴胡陽明葛根太陰蒼朮少陰細辛厥陰茺莢醫  
通從頭風而治

陽

邪風症額板骨眉陵骨痛也發則多於六陽用事之時元

虛精弱者則有內症之患若兼火者則有外症之患大全

用生熟地湯清上散火醫通用清空膏陰邪風症腦後

枕骨痛也多發於六陰用事之時發則有虛運耳鳴之患

頭痛

信上之上

十三

眼科



久而不治內障成矣宜小芎辛湯 卒腦風症太陽內如  
槌似鑽一團而痛也若痛及目珠珠外有赤脉縱貫及疼  
滯者必有外之惡症來矣若珠不赤痛只自覺視如雲遮  
霧障漸漸昏眇者內症成矣急早治之以免後慮宜羌活  
勝風湯內症冲和養胃湯 巔頂風症天靈蓋骨內痛極  
如槌似鑽也陽分痛尤甚陰分痛稍可夾痰溼者每痛多  
眩暈若痛連及珠子而脹急赤者外症之惡候若昏眇  
則內症成矣分內外症治醫通外症用羌活勝風湯內症  
冲和養胃湯 遊風症頭風痛無常位一飯之頃遊易數  
遍而不能度其何所起止也若痛緩而珠赤脉而有障起  
者外障已成不赤不痛而昏眇者內症成矣內障其痛亦  
緊急而甚治用頭風游治 游風症人素有頭風因而目  
病或素目病因而頭風二邪并立得夾而深入腦袋致傷

肝膽諸絡故成此患頭痛則目病目痛則頭痛輕則一年  
數發重則一月數發頭風目病常并行而不相悖也若未  
痛脹急則有外症之候若無赤痛瘀滯之症而只昏眇者  
內症成矣醫通先用羌活勝風湯次服還睛丸目中常若  
風吹狀者此有火氣內伏陽氣不行於外也大追風丸

按頭痛目赤眇淚羞明怕熱翳膜淚出等症屬三陽風熱宜芎芷京子  
羌活石膏知母黃芩梔子荆芥防風薄荷菊花石決有翳加木賊谷精  
垂退等神效散三陽風熱也

目赤

內經目赤有三一曰風助火鬱於上二曰火盛三曰燥邪傷  
肝 戴復庵云赤眼有三有氣毒有熱壅有時氣無非血  
壅肝經所致蓋肝主血通竅於眼赤血病也目赤腫足寒  
者必用時時溫洗其足并詳赤脉處屬何經治之 王節  
齋云眼赤腫痛用藥內外不同在內用苦寒之藥在外點

信上之上

十四

眼科



洗用辛熱辛涼之藥以散邪 醫通目赤凡赤而腫痛者  
當散溼熱赤而乾痛者當散火毒赤而多淚者當散風邪  
赤而不痛者當利小便目赤先左赤而傳右者為風熱來  
火散風為主勿兼涼藥涼能鬱水也先右赤而傳左者寒  
溼夾熱瀉火藥中必兼風藥風能勝溼也凡赤甚腫痛  
脾洗去惡血則不傷珠

倪仲賢云世病目赤為熱共知者然不審其赤數等治各不  
同有白睛純赤熱氣炙人者乃熱淫反尅之病也宜芍藥  
清肝散有白睛赤而腫脹外眦虛浮者乃風熱不制之病  
也宜羌活勝風湯有白睛淡赤而細脉深紅縱橫錯貫者  
乃七情勞役飢飽之病也宜柴胡復生湯及黃連羊肝丸  
有白睛不腫不脹忽如血貫者乃血為邪勝凝而不行之  
病也宜川芎行經散有黑白之間赤環如帶謂之抱輪紅

者乃火邪乘金水衰反制之病也宜菊花決明散

天

行赤熱症或脾腫頭重怕熱羞明涕淚交流等症

一察之

內一里之中往往老幼相傳者是也然有虛實輕重不同

亦因人之虛實時氣之輕重何如各隨其所以而分經絡

以發病有變重病者有變輕病者有不治而自愈者乃天

時流行熱邪相感染而入或素有目疾及痰火熱病水少

元虧則爾我傳染不一其絲脉雖多赤亂不可以為赤絲

亂脉症常時如是之比若感染輕而源清邪不勝正則七

日愈而有二七日乃再傳也二七不退者必其犯觸及本

虛之故防他變症矣大全用驅風散熱飲及桑白皮散醫

通治法童子小便煎黃連日洗三五次先服洗心散一貼

次用洗肝散二貼醫宗云沿門逐戶赤腫濇淚羞明疼痛

用驅風散熱飲風盛如羌活熱甚加大黃

按時眼熱甚用芍藥清肝散效

信上之上

眼科

眼科



暴風客熱症乃素養不清躁急勞苦客感風熱卒然而發也  
雖有腫脹乃風熱夾攻火在血分之故治亦易退非天行  
赤熱爾我傳染之此非若腫脹如杯等症久積退遲者比  
大全用洗心散洗肝散醫通云其症白睛壅起包小高睛  
疼痛難開此肺經受風熱不散毒攻眼中致令白睛浮腫  
雖有腫脹治亦易退宜瀉肺湯腫溼甚者少加麻黃三四  
分赤腫甚者加黃連生地醫宗先用劇洗後服菊花通聖  
散

暴露赤眼症此症與天行赤熱同而天行赤熱能傳染此但  
患一人而無傳染天行赤熱雖痛腫而無翳此則痛而生  
翳為不同先服酒煎散後服大黃當歸散疎通血氣醫宗  
暴赤生翳症目赤腫生翳癢痛難當時流熱淚差明乃心  
肝二經風熱上壅攻目所致宜劇洗出血服蘆根飲子劇



洗者或以針鋒微刺之或用燈心草微刮之  
按此症用瀉心散  
合瀉肝散加去  
甚效

瘀血貫睛症此症為目病最毒舉世無知者若人偏執已見  
不用開破者其目必壞初起不過紅赤次後紫脹及白睛  
脹起甚則脹形如虬筋蓋其病乃血貫睛中滯塞不通在  
脾則腫脹如杯椒瘡之患在珠則輪壅起凝脂黃膜痕癢  
成窟花翳白陷鵝眼凝精等症失治者必有青黃帶出癩  
凸之禍凡見白珠赤紫脾腫虬筋紫脹數點不退必有瘀  
滯在內可翻脾內視之若脾內已發泛浮椒瘡粟瘡者皆  
用導法洗去血不然變症生矣宜宣明丸

血貫腫神症謂腫神不見紫黑但見一點鮮紅甚則紫濁病  
為甚危一二月尚可救蓋腎之真一有傷膽中精汁皆損  
元陽正氣皆耗故此一點之神光不見而血之英色乘腎  
目赤



部十患九不治者今人但見瘀血貫睛便為血貫瞳人不  
知血貫瞳神乃清陽純和之氣已損其精華血色乘於膏  
部命亦不久宜此火入血分瘀凝有形之急者宜四物湯  
及單煎生地黃汗服醫通云因毒血貫入金井瞳神眼內  
也清濁相混時痛濇紅光滿目濛濛如隔絹看物若烟霧  
中此症有三若肝經血熱灌入瞳神者多一眼先患後相  
牽俱損最難得退有撞損貫入者雖甚而返速有針內障  
失手撥著黃仁痰血貫入者三症治法頗同用大黃當歸  
散醫宗同法

色似瞤脂症不論上下左右白睛但見一片或一點儼似瞤  
脂抹者是也此血不循經絡而來偶然熱客肺膜之內滯  
成此患常有因咳嗽甚而起者皆肺氣不清之故但治其  
咳嗽則目自愈夫全不因咳嗽起用退血散

赤脈貫睛症或一脈赤或二三脈赤不論粗細多少但在這  
邊氣輪上上起貫到風輪經過瞳外接連那邊氣輪者最  
不易治且難退而易來細者稍輕粗者尤重從上下重從  
下上者稍輕貫過者有變症絲粗及有傍絲虬亂者有變  
症凡各障外有此等脈罩者雖在易退之症亦退遲也貫  
雖未連而侵入風輪或一半或三分之二之一皆不易退  
蓋得生氣之故也此症專言赤脈已挂侵風輪之重非比  
赤絲亂脈止在氣輪之輕者今人但見絲脈便呼為赤脈  
貫睛非也夫絲脈在風輪氣輪上下粗細連斷為病各有  
緩急常變不同既不能明其症又何能施療乎宜為藥清  
肝散

赤絲亂脈症謂氣輪有絲脈赤亂久久常如是者然害各不  
同或因目痛火雖退不守禁戒致血滯於絡而赤者或因

胃風沙烟瘴親火白熱鬱氣勞心恣酒嗜燥竭視勞瞻而致有所鬱滯而赤者有痛不痛有淚無淚有羞明不羞明為病不等蓋生在氣輪白珠上有絲脈縱橫或稀密粗細不等但常常久而不愈者也非若天行客風等症之暴發赤脈貫睛之難惡者比若只赤昏昧濇緊不爽或有微微淚溼者輕而因犯戒者變重若脈多赤亂兼以枯濇而緊痛淚溼而爛溼腫者重驗之當以大脈為主從何部分而來或穿連某位即別其所患在何經絡或傳或變自病合病等症分其生剋承制然後因其症而投其經以治之治外者細脈易退太脈虬紫者退遲細脈雖點退而大脈必須耐久去盡方已庶無再來之患不然他日犯禁其病復發若有別邪火亦從此循而致凡絲脈沿到風輪上者尤重而能變若因滯而日積月累一旦觸發脈紫脹及睥腫

者用開導之凡見絲脈虬紫內服外點點時縮細不點則  
脹久久亦然多有激動其滯因此而變者有珠雖不潔脾  
雖不腫亦有積滯在內深處乃積滯尚輕而在絡中深  
之所故未脹出耳揭開上脾深處看之其內必有不平之  
色在焉因其滯量其重輕畧導之不可過過則有傷真  
血水虧膏瀦目力昏弱之患點眼用五膽膏醫通用大  
黃當歸散醫宗云二肯赤脈症赤脈起於大肯者心經之  
實火也赤脈起於小肯者心經之虛熱也實火洗心散虛  
火九仙散按痰滯深處用磁針微微刺之

白珠青藍色症乃目之白珠變青藍色也病在至急蓋氣輪  
本白被鬱邪蒸逼走散珠中膏汁遊出在氣輪之內故色  
變青藍瞳神必有大小之患失治者瞳損而為終身之疾  
矣然嘗因其病而治其本如頭風者風邪也傷寒瘧疾痰



火熱邪也。因毒者毒所攻也。

### 腫脹

腫脹有風熱上攻有燥火客邪或黑珠疼痛或白睛腫脹皆因肝經實熱或移熱於肺俱宜清火散風。

腫脹如杯症謂目赤痛脾脹如杯覆也。是邪在木火之有餘。蓋木尅土令肝邪實而傳脾土受木尅而火不能生邪反乘虛而為炎燥之病其珠必疼而脾亦緊硬急硬若暴風客熱作腫者必熱淚多而珠疼稍定然風熱自外客感易退治亦易愈若木火內攻擊則病亦退遲重則疼滯閉塞血貫睛中而變症不測矣須用開導之法輕則敷治而退重則必須開導此之意也若敷治不退及退而復來并開導不消消而復發者宜用此法而望愈高脾愈實此風熱欲成毒之候也。宜服此丹。醫宗驗硬睛疼症初患

之時時覺疼脹久則瞼胞腫硬睛珠疼痛此由膈中積  
肝經風熱上衝於目宜劇洗去瘀外敷焮腫膏內服涼膈  
散

按宜刺上星等六穴出血勿使收珠至重

形如蝦座症因血滯已甚血脹無所從出遂至壅起氣輪狀  
如蝦座甚則吐出脾外病尤急非比魚胞症氣分之可緩  
者瘀血貫睛與此症病雖一種貫睛則概言而未至於極  
此則極矣有半邊脹起者有通珠俱被脹起者蓋定烏珠  
者又有大眥內近鼻梁處脹出一片如皮如肉狀似袋者  
乃血脹從額中落來故脹起了大眥裏白上寬皮也不可  
割為血英在此處悞割者為漏為瞎不可不辨認仔細只  
用開導血漸去而皮漸縮小眥脹出如袋者亦然其病大  
意是氣血二盛之病宜以開導為先次看餘症從而治之  
在肺部最重久則移傳於肝而風有害也宣明丸大黃當



歸散

上脾開之出血 開導出血是刺上星等穴然內迎香出血甚速亦宜用浮萍同米片搗貼

狀如魚胞症氣輪努張不紫不赤或水紅色或白色狀如魚

胞乃氣分之症金火相搏所致唯以清涼則自消復若舊

微紅及赤脉者畧畧於上脾開之不可過若頭痛熱淚及

內燥而赤脉多者防有變症宜桑白皮湯瀉肺湯

此症外用浮萍搗爛如米片貼立消甚效

鶻

眼凝睛症有項強頭痛面臉赤燥之患其狀目如火赤綻

大張於睥間不能斂運轉動若翳塑玄神之相猶鶻鳥之

目珠赤綻而凝者凝定也乃三焦關格實盛亢極之害風

熱壅阻諸絡滯滯目欲暴出矣大宜於內迎香太陽二脾

上星等處要隘之所并舉而劫之醫宗睛突於外不能動

轉堅硬高努如鶻眼脹滿疼痛難忍此積熱上衝腦中風

熱壅注於目所致先用針刺諸穴出血瀉毒內服瀉肝散





醫通云目脹有胞脹珠脹不同胞脹多屬溼勝治其溼  
為主珠脹多屬火淫治當去火為先故治珠脹雖火風  
不宜輕用麻黃木賊之類恐有烏珠脹裂之患

因

風成毒症初發時乃頭風溼熱痰血貫睛瞼硬疼痛等症

失於早治雖治不得其法遂致邪盛搏夾成毒眸與珠通

行脹出如拳似碗連珠帶腦痛不可當先從烏珠爛起後

爛氣輪有爛沿上下瞼并腦及額上肉盡空而死者百無

一二可生若患頭痛腫脹珠凸等症治退復發再治再發

痛脹如前者即成此患若已成者雖治之脹少退痛少止

決又發發時再治至於數四終當一發不復退矣既成此

症必無可生之理未成者十分用心調攝療治得宜猶可

有生凡目病但見頭腦痛甚珠及睥脹而疼疼努硬緊雖

敷治劇洗數次亦不賴總開時畧輕少頃如故者皆此病



來也宜向內尋其源而救之庶無噬臍之悔 按此當同頭風脈火治

施 腫泛起症氣輪自平水輪自明唯風輪高泛起也或只平

邊泛起者亦因半邊火來之故乃肝氣獨盛膽液滯而水

道瀆火鬱風輪故隨火脹起或在下或在上或在二傍各

隨其火之所來從上脹者多非比旋螺尖起已成症而俱

凸起頂尖不可醫者乃止言風輪脹起耳宜瀉肝散

旋螺尖起症乃氣輪以裏烏珠大槩高而綻起如螺蛸之形

圓而尾尖烏珠亦圓綻而中尖高故曰旋螺尖起因亢滯

之害五氣壅塞故脹起烏珠在肝獨盛內必有瘀血初起

可以平治夫平治之法則瘀雖退而氣綻膏凝不復平矣

病甚高傷者珠外亦有病如橫翳玉翳水晶沈滑等症在

焉蓋初時本珠欲凸之候因服寒涼之藥救止但失於戕

伐木氣故血雖退而結凝氣綻不復平也醫通烏珠高起



而統如螺為肝熱甚必有瘀血或用鱖魚血點於其處先服瀉肝之藥後服知柏六味尤急救少陰伏匿之邪若初失於正治則瘀雖退而氣定膏凝不復平矣醫宗螺螄外障氣輪之內烏珠色變青白如螺螄之殼其色初青久黑其形尖圓乃肝經亢極瘀血凝滯所致宜瀉肝飲按黑眼法陰宜治陰

合之火之血也

神

珠自脹在目珠脹也有內外輕重不同若輕則自覺目內脹急不爽治亦易退重則自覺脹痛甚甚則人視其珠亦覺漸漸脹起者病亦發見於外已甚大凡目珠覺脹急而不赤者火尚微在氣分之間痛者重重則變若赤痛脹急重者有瘀塞之患瘀滯甚而脹急珠覺起者防鵝眼之禍若目不赤止覺中或脹或不脹時作時止不一者為火無定位遊客無常之故有風邪溼熱氣勝拂鬱者皆有自脹

腫脹

信上之上

五三九

限升



之患但經血部至於痛者皆重而變矣醫通云此陰峻利  
害之症因五臟毒風所蘊熱極衝眼與旋螺尖起不同初  
起麻木疼痛淚出其勢莫測急投大黃當歸散宣退五臟  
熱毒醫宗突起睛高之症由風熱毒火上衝於目疼痛難  
忍睛珠突高脹起先宜針刺各穴出血服桔梗飲

珠突出眶症烏珠忽然突出眶也與鵲眼症因滯而慢慢出  
者不同其故不一有因真元將散精華衰敗致脈絡損  
癢極摩擦而出者其人不久而死有酒醉怒甚及嘔吐極  
而闌出者有因患火症熱感關格亢極而脹出者有怒甚  
吼喊而闌出者此皆因水衰液少精血耗損故脈絡瀉脆  
氣感火極無所從出出而竅瀉泄之不及故湧脹而出亦  
有因打撲而出者凡出雖離二瞼而脈皮未斷者乘熱捺  
入雖入脈絡損動終是光損若突出闌在瞼中而含者易

二光不損若離瞼脉絡皮俱斷而出者不能救矣

### 目癢

目癢有目風而癢者驅風一字散有因火而癢者芍藥清肝散有血虛而癢者四物湯加羌防蒺藜虫退有眼藥後時時作癢者此血行火散而發癢目病將愈也

眼癢症醫宗云肝膽二經風衝發所致或在瞼邊背內甚則

癢連睛珠癢極難忍外洗廣大重明湯內服驅風一字散

癢若虫行症非若時常小癢之輕乃如虫行之癢不可忍也

為病不一須驗目上有無形症決其病之進退至如有障

無障皆有癢極之患病源非一有風邪之癢有血虛氣動

之癢有虛火入絡邪氣行動之癢有邪退火熄氣血行散

脉絡通暢之癢大凡有病之目時常又不醫治而自作癢

者癢一番則病重一番若醫治後而作癢者病必去速若

目癢

信上之上

二十二 存記

眼科



癢極難當時時頻作目覺低陷者命亦不久有癢極而目  
脫者死期至矣癢而淚多者血虛夾火大抵痛屬火癢屬  
虛雖有火亦是邪火乘虛而入非其本病也

### 羞明怕熱

羞明怕熱謂明熱之處而目痛澆畏避不能開也凡病目者  
十之六七皆有此症病源在於心肝脾三經總而言之不  
過一火熱血燥病在陽分是以見熱見明則惡類而澆痛  
畏避蓋已之精光弱而不能敵彼之光是以陰黑之所則  
清明快爽怕熱無不足之症羞明有不足之症若目不赤  
痛而畏明者乃不足之症為血不足膽汁少而絡弱不能  
運精華以敵陽光之故今人稱為怕日羞明者俗傳之誤  
日熱二字音相音近不察其理遂失其症

熱結膀胱症醫通云目病小便不利而頭痛寒熱者方是

若小便自利者非也宜先利其水後治其目五苓散  
散按八正散亦佳

外障

外障在睛珠外遮暗內經診目痛赤脉從上下者太陽病從  
下上者陽明病從外走內者少陽病按此論表裏之翳明  
矣用以治病如鼓應桴也凡赤脉翳從上而下者屬太陽  
以太陽主表其病必連眉陵骨痛或腦項痛或尖邊頭腫  
痛是也治法宜溫之散之溫則陳茶附子等分煎服戴立  
齋嘗以此治太陽症隨愈散則以選奇湯羌活除翳湯是  
也赤脉翳從下而上者或從內肯走外者皆屬陽明以陽  
明主裏其症多熱或便實是也治法宜寒之下之瀉青丸  
桔梗飲之類醫按女人形肥時發目疾紅腫瀉痛難開如  
此者三年服眼科藥左目反有頑翳從銳肯來遮瞳神右

差明怕熱外障

信上之上

二十三存記

眼科



北京中医药大学图书馆版权所有

目亦有翳從下而上脉短滑而實用温白丸從二丸每  
加一丸大利又從二丸忽下黑血塊堅硬而愈寒則年  
丸是也赤脉翳初從外背入內者為少陽以少陽生中表  
半裏治法宜和解退雲丸羌活退翳湯之類是也  
翳膜者風熱重則有或斑入眼此肝氣盛發在表也翳膜已  
生在表明矣宜發散而去之若反疎利則邪氣內搐為翳  
益深 邪氣未定謂之熱翳而浮邪氣已定謂之水翳而  
沈邪氣牢而深者謂之陷翳當以煨發之物使其邪氣再  
動翳乃浮佐以退翳之藥而能自去也病久者不能速效  
宜以歲月除之 新翳所生表散方羌活除翳湯有熱退  
雲丸之類煨發陷翳羚羊角散翳除盡至其年月日期復  
發者或間一二月復發皆積治如前從少至多服 倪仲  
賢云風熱不制之病眇多毛瞖緊澹羞明赤脉貫睛頭痛



鼻塞腫脹涕淚腦嶺沈重眉陵骨痛外翳如雲霧絲縷  
星螺蓋用羌活勝風湯陽蹠受邪內眦即生赤脉縷  
生瘀肉瘀肉生黃赤脂脂橫侵黑睛漸蝕神水銳皆亦  
俗名攀睛宜退翳散勝奇散 醫通云外障諸症雖殊究  
其本不出風火溼熱內蘊故必以滌熱消翳為務然初起  
者但於除風散熱藥中畧兼消翳其翳自去若去宿障自  
當專攻翳膜但必兼助脾胃行其藥力始克有濟諦觀外  
障內治之藥雖多咸以神消散皂角丸二方為主外治之  
藥不一莫如石燕丹為最今之專此者能識斯意守是法  
而行之亦可為中工矣

黃膜上衝症在風輪下際坎位間神膏之內有翳初生色黃  
如年少人指甲內白巖相似與凝脂翳同一氣脉但凝脂  
翳在輪外生點藥可去者此則在膏內熱蒸起點藥所不  
外障

信上之上

二十四 存記 眼科

能除若漫及瞳神其珠必損不可誤認為涌波可緩之症  
此是經絡阻塞極甚三焦關格火土之盛實者故大便  
便瀉而熱蒸從膏內作膿潰起之禍也失治目有翳障  
患通脾瀉胃湯神消散皂角丸醫宗云自氣輪而起  
黃膜從下直衝風輪上掩瞳人乃脾胃上衝於眼致生黃  
膜淚流赤瀉疼痛極甚宜通脾瀉胃湯外畜立應散

按此前後二種一膏內一膏外然膏內  
黃色不平是內清尤惡治同

赤膜下垂症初起甚薄次後甚大大者病急其患有障色赤  
多赤脉貫白輪而下也烏珠上半邊近白際起障一片似  
有赤絲牽絆障大絲粗赤甚淚瀉珠疼頭痛者病急而有  
變絲細少色微赤珠不疼頭不痛者緩而不變亦有珠雖  
不疼頭亦不痛若無他症或只瀉赤而生薄障障上仍有  
細絲牽絆或於障邊絲下仍起星數點此星亦是凝脂之



微病也此等皆是火在內滯之患病尚輕治亦當善  
形之火潛入膏內故作是病非比有形血熱之重也  
上有絲及星生於絲稍者是退遲之病為接得絲脈  
氣故易生難退雖然退遲翳薄絲細赤不甚者只用善通  
之足矣甚者不得已而開導之大抵白珠上半邊有赤脈  
生起下垂到烏珠者不論多少但有疼痛虬赤便是凶症  
來了總是絲少赤微但從上而落者退遲治當耐久若貫  
過童神者不問粗細連斷皆退遲此症是溼熱在腦幽隱  
之火深潛在絡故有此脈之赤四圍雖無痰血其深處亦  
有積滯緣滯尚深而火尚伏故未甚耳一旦觸發則其患  
迸發疾亦盛矣內無滯滯外無此病輕者消散重者開導  
此定法也用神消散皂角丸醫宗赤膜下垂症初患之時  
氣輪上邊起赤膜一片垂至風輪下覆童人由肝肺之熱

外障

信上之上

二十五存記眼科



衝於眼內致生赤膜淚流痛癢宜於羊角散

按此亦是一內一外內者膜上有赤縷外者外是赤膜內症重外症輕

髮

脂翳症此症為病最急起非一端盲瞽者十有七八在風  
輪上有點初起如星色白中有縷如針刺傷後漸長火變  
為黃色縷亦漸大為窟者有初起如星色白無縷後漸大  
而變黃色始變出縷者有初起便帶鵝黃色或有縷或無  
縷後漸漸變大者或初起便成一片如障大而厚色白而  
嫩或色淡黃或有縷或無縷而變者或有障又於障內變  
出一塊如黃脂者或先有痕縷後變出凝脂一片者所變  
不同禍則一端大法不問星障但見起時肥浮脆嫩能大  
而色黃善變而速長者即此症也初起時微小次後漸大  
甚則為窟為漏為蟹睛內潰睛膏外為枯凸或氣有聲爆  
出稠水而破者此皆鬱遏之極蒸燥肝膽二絡清氣受傷



是以蔓及神膏潰壞雖遲不過旬日損及童神若四圍見有瘀滯者因血阻道路清汁不得升運之故若四圍赤赤之甚者其內絡深處必有阻滯之故凡見此症當作急晝夜醫治若遲待長大蔽滿烏珠雖救得珠完亦帶病與病去後珠上必有白障如魚鱗如圓翳等狀終身不能脫若結在當中則視昏眇凡目病有此症起但是頭痛珠疼二便燥濇即是急症之極甚若二便通暢禍亦稍緩有一於斯猶為可畏

按變速便阻火在肝宜洗肝除熱

花翳白陷症因火燥絡內膏液蒸傷凝脂從四圍而起而漫及神珠故風輪皆白或微黃視之如混障相似而嫩者大法其病白輪之際四圍生漫而來漸漸厚闊中間尚青未滿者童神尚見只是四高了中間低了些此金尅木之禍也或有就於脂內下邊起一片黃膜此二症夾攻尤急亦

外障

信上之上

二十六存記眼科



医药大学图书馆版权所有

有上下生起名順逆障內變為此症也此火土鬱遏之禍也亦有不從沿際起只自凝脂翳色黃或不黃初小後大其細條如翳或細顆如星這邊起一箇那邊起一箇由散生將起來後纔長大牽連混合而害目此木火之禍也以上三者必有所滯治當尋其源濬其流輕則清涼之重則開導之若病漫及童神不甚厚重者速救亦有挽回之理但終不能如舊之好凡疾已甚雖童神在內隱隱見亦不能救其無疾止可救其耀凸而已服桑白皮湯大全用蟬花活血湯醫宗花翳白陷症乃黑睛生翳風輪四圍漸起中間低陷其翳如棗花魚鱗之形烏睛或白或帶微黃色此肝肺積熱風邪上衝於腦所致宜知毋飲醫通用龍膽瀉肝飲去肝經溼熱

蟹睛症謂其真膏損凝脂破壞風輪神膏綻出黑顆小則如

翳睛大則如黑豆甚則損及瞳神內視瞳神亦如杏仁裏  
葉狀者極甚則細小無了至極則青黃燥出者此症與黑  
翳如珠狀類而治大不同夫黑翳原從膏內生起非若此  
因破而出故大不同然有虛實二症虛者輒而不痛來速  
去速實者堅而多痛來速去遲其視有二其治則一雖妙  
手難免癢癢之患防風瀉肝湯醫通云中氣虛火所以時  
時奇癢或時掣痛酸澀內服防風瀉肝湯次服生熟地黃  
丸醫宗云風輪努出如珠如豆形似蟹睛疼痛極甚瀉淚  
羞明初起為實硬而極痛久則為虛軟而不痛總因肝膽  
積熱傷睛腎中虛火注目所致實者瀉肝飲虛者決明丸  
斑脂翳症其色白中帶黑或帶青或焦黃或微紅或有細細  
赤脈絆罩有絲絆者則有病發之患以不發病者論大畧  
多者粉青色結在風輪邊傍大則掩及瞳神掩及瞳神者

外障

信上之

二十七

眼科



目亦減光雖有神手不能除去治者但可定其不垂不發亦須內外夾治得氣血定久癥結牢固庶不再發若治久固或即縱犯則癥迹發出細細水泡時起時隱甚則發出大泡起而不隱又甚則於本處作痛或隨絲生障或醫時再出矣其病是蟹睛收回結疤於風輪之側非若馬腦內傷氣血結於外生之症猶有可消之理故治亦不同耳醫通用神消散皂角丸外點瞻膏等

黃油症生於氣輪狀如脂淡黃浮嫩乃金受土之溼熱也不腫不疼目亦不赤昏故人不求治無他患至老只如此畧有目疾發作其症則為他病之端矣揭開上睥目上溼氣輪上有黃油者是溼熱從腦而下目必有病又非二條可緩之比或有頭風之患然此症為患又緩治亦容易但不治者恐貽後患故宜自保重而去之癘風目上有此者又



三與常人不同醫通用神消散皂角丸開導上睥有翳風  
兼治頭風 按此從肺經去溼熱加入利眼退翳內并加茵陳

翳如懸膽症有翳從上而下貫及瞳神色青或癍上火下  
薄而圓長狀如懸膽以此得名蓋腦有痰熱肝膽膏汁有  
損變症急來之候宜作緊醫治若眼帶細細赤脉紫脹而  
來者尤急頭痛者尤惡內必有滯急向四圍尋其滯而導  
之庶免損壞之患醫通有頭痛用石膏散退翳用皂角丸  
玉粒分經症或生於脾或生於氣輪生於氣輪者金火亢乘  
之症燥熱為重生於脾者溼熱為重由土之燥滯其形圓  
小而顆堅淡黃色或白肉色當辨其所生部分而治之故  
曰玉粒分經初起不疼治亦易退亦有輕而自愈者若恣  
酒色嗜辛熱火毒多怒忿躁急之人及久而不治因而積  
久者則變大火而堅堅而痛或變大而低潰色白或淡黃



如爛瘡相似者症尚輕若復不知禁忌且犯戒者則爛深  
爛深復至於不戒不治者則變為漏矣不可誤認為裏瘡  
銀星獨見症烏珠上有星獨自生也若連萃而相生相聚者  
不是生星蓋星不能大而變者亦不是有虛實自退不  
退之症虛實非指人之氣血而言乃指絡間之火而言若  
絡間之虛火客遊因而鬱滯於風輪結為星者其火無源  
不能久滯火退氣散膏清而星自消若火有源而來氣實  
壅滯於絡則水不清故星結不散其色白圓而顯小浮嫩  
者易治易退沈濇堅滑者宜作急治之恐滯久氣定治雖  
退而有迹為水瑕翳矣大星者猶天之有星由二氣而結  
其大小亦由積受成衰之所致無長大之理故人之患星  
亦由火在陰分故為星星亦不能大若能大者此必是各  
障之初起也障障雲隨天地之氣而聚散障因人之激



戒而消長即如凝脂一症初起白顆小而圓嫩儼然  
不出一二日間漸漸長大因而觸犯遂至損目若誤認  
星則謬於千里矣亦有凝脂雖成因無根客火鬱在膏  
作此一點無所觸犯善於護養水清而退者便謂是星退  
醫者亦謂是星退遂認為星終身執泥不改者誤人多矣  
大凡見珠上有星一二顆散而各自生過一二日看之不  
大者方是若七日而退者火數盡之故若連葦貫串相生  
及能大者皆非星也又有一等愚人看各色障翳亦呼為  
星者抑又謬之甚矣醫通星久不退恐其成翳星見下陷  
者或小點亂生者為腎虛其人必因夢泄或房勞不足之  
故去星之藥必用穀精草非此不應也六味丸加穀精蒺  
藜黑參車前

外點諸胆汁蜜少許煎加水片點甚效

聚開障症謂障或圓或缺或厚或薄或如雲似月或數點如

外障

信上之上

三九小山眼科



星痛則見之不痛則隱聚散不一來去無時或月數發或  
年數發乃腦有溼熱之故痰火人患者多久而不治方始  
生定因而觸犯者有變症生成不退各隨所發形症驗之  
醫宗肝虛積熱生翳時發時歇用青相子丸

聚星障症烏珠上有細顆或白色或微黃微黃者急而變重  
或聯綴或團聚或散漫或一同生起或先後逐生一而二  
二而三三而四四而六七八十數餘如此生起者初起者  
易治生定者退遲能大者有變團聚生大作一塊者有凝  
脂之變聯綴四散傍風輪白際而起變大而接連者花翳  
白陷也若兼赤脈爬絆者退遲若星翳生於絲盡頭亦退  
遲退遲且有變蓋接得脈絡生氣之故此症大抵多由痰  
火之患能保養者無恙漸及壯成者變症生焉大全用地  
黃散

至氣障症生於風輪從上邊而下不論厚薄但在外色白者  
是若紅赤乃變症非本病也有初起水膏不清而成此症  
者有起先赤色火退後膏濇結為此症者因其自上而下  
如簾之垂故得此名有症數般相似緩急不同治亦各異  
不可誤認混呼而誤人一努肉初生亦在風輪上邊起但  
色如肉且橫厚不同偃月侵睛亦在上邊起是氣輪膜內  
垂下色白而薄如此在外有形者不同一赤膜下垂因痰  
滯火實之急者不同此則只是白障漫漫生來自上而下  
而為混障者間有紅亦是微微畧紅而已因其觸犯搏動  
其火方有變症其病從上而下本當言順何以逆稱蓋指  
火而言火本炎上今反下垂是其逆也羌活除翳湯醫通  
兼服生熟地黃丸

湧波翳症障從輪外自下而上故曰湧波非黃膜上衝從向

上之急者可比白者緩而不變赤者急而有變亦有激犯  
變發他症者就於此障之內變出黃膜治宜先去上衝後  
治此症則萬無一失矣流氣飲醫通涼膈散先去上衝後  
逆順障症色赤而障及絲脈赤亂縱橫上下二邊生來若見  
色白而不變者乃是治後凝定非本症生來如是亦不  
治若色浮嫩能大或微黃色者又不是此症乃花翳白陷  
也也見風輪際處由白珠而來無數粗細不等赤脈周圍  
圓圓侵入黑睛黑睛上起障昏濇者即此症必有痰滯在  
內蓋滯於左則從左而來滯於右則從右而來諸絡皆有  
所滯則四圍而來睥雖不赤腫珠雖不脹痛亦有痰滯在  
內不可輕視若傷於膏水則翳嫩白大而變為白翳花陷  
若燥瀆甚則下起一片變為黃膜上衝之症若頭疼珠痛  
脹急者又重而急矣醫通氣導去惡血皂角丸生熟地黃

丸大全用羚羊角飲子內有大黃醫宗順逆生翳之症從上而下

侵入黑暗為順從下衝上侵入黑暗為逆順則易安逆則難治

并宜手法鉤割去其翳膜眼知母飲

按從上下先活除翳湯皂角丸從下上流氣飲地黃散知母飲從外入內退雲丸從內走外神消散洗心散加入木賊菊花石決黑參夜明沙各精粗方十積散俱治

陰陽翳症在烏珠上二翳俱白色一中虛一中實二翳連串

如陰陽之圖若白中帶焦黃色或純白色而光滑若沈瀆

者皆不能去盡若有細細赤絲絆者退尤遲大抵此症非

心堅耐久不能得效也醫通用蟬花散皂角丸外點藥

瑪腦內傷症其障薄而不厚圓斜不等其色昏白而帶焦黃

或帶微微紅色但如瑪腦之襍者是雖生在輪外實是內

傷肝膽真氣精液受傷結成此症久久耐心醫治方得減

薄終不能去盡也或先有重病退後結成者最不能治盡

醫通皂角丸生熟地黃丸外點藥

外障

信上之止

三十一立山 眼科



劍脊翳症亦名橫翳色白或如糙米色者或帶微微焦黃色者但狀如劍脊中間畧高二邊薄些橫於風輪之外者即此症也厚薄不等厚者雖露上下風輪而童神被掩視亦不見薄者重神終是被掩視亦昏眊較之重者稍明耳經色嫩根浮者亦有癍痕若滑濇根深沈者醫治止可減半若微微紅絲罩絆者尤為難退易來以上不論厚薄非需

歲月必無功耳以針撥取之後服皂角丸外點藥

冰瑕翳症薄薄隱隱或片或點生於風輪之上其色光白而甚薄如冰上瑕若在童神傍側者視亦不礙光華若掩及童神者人者其病不覺自視昏眊渺茫其狀類外圓翳但甚薄而不圓又似白障之始但經久而不長大凡風輪有痕痕者點服不久不愈補得水清膏足及凝脂聚星等症初發點服未久不愈者宜早服此藥片腦過多障跡反去不得



盡而金氣水液凝滯者皆為此症大抵雖治不能速用藥  
新患者必用堅守確攻久而方退若滑濇深沈及患久者  
雖極治亦難盡去醫宗冰瑕翳深翳色青白如水橫貫晶  
睛其症或癢或痛發歇無時眵粘淚出白睛赤脈此乃肝  
經之熱宜芫薊子散外點藥按此前後論是二種症

圓翳外障症薄而且圓其色白大小不等厚薄不同薄者最  
多間有厚者亦非堆積之厚比薄者稍厚耳十有九掩童  
神亦名遮睛障病最難治為光滑深沈之故有陰陽二症  
之別陽者陽處看則不甚鮮白暗處看則明亮而大陰者  
暗處看則昏濇明處看則明大然雖有陰陽驗病之別而  
治法則同雖堅心久治難免終身之患醫通治與冰瑕翳  
同

水晶障症色白如水晶清瑩見內但高厚滿珠看雖醫得效

其效最遲蓋雖清而滑根深氣結故也乃初起膏傷時內  
 服寒涼太過多點片膠太多致精液凝結為此病非此白  
 混障之浮嫩可治者當識別之庶無錯誤其名有三  
 水晶一曰玉翳浮滿一曰水輪如水凍之堅若傍斜細者  
 則白透睛重內陰處與日中看其形一同治雖暑減難免  
 終身之患醫通治法須分新久若有進退紅腫有淚發未  
 定用藥點眼則眼淚帶藥流出此翳必能漸退若發年久  
 無進退紅腫雖治不能取效 按一切翳膜此法皆同 治與冰瑕翳  
 同醫宗玉翳浮滿症初起時或疼痛黑睛上翳如玉色遮  
 蓋童子皆由肝經熱極風熱衝腦所致宜洗刁散除風熱  
 而消翳膜也 按有紅腫膠淚疼痛用此黃散  
 羌蒺子散黑眼法於陰也  
 魚鱗障症色雖白濇而不光亮狀帶欹斜故號魚鱗乃無膏  
 凝不能除絕者如凝脂翳損及大片病已甚不得已大用



寒涼及水片多點者往往結為此症醫通點用青藍藥研服退翳之藥按如祖方十積散效

釘翳根深症醫通其症赤濁難開病牽頭腦淚出差明釘翳

日深接引黃仁根深不移治法宜退熱散血頭痛熨以葱

艾醫宗釘翳根深者睛中翳黑硬如釘子之形其症疼痛

淚濁赤脉羞明此乃心肝毒上攻睛童宜除熱飲子

黑翳如珠症此非蟹睛突出之比蟹睛因破而出此則肝氣

有餘欲泛起之翳故風輪際處發起如泡色黑如珠多寡

不一其火實盛者疼痛緩者不痛治法用小針逐箇橫穿

破其黑翳中有惡水流出即平挑後服羚羊飲次服生熟

地黃丸醫宗此症黑睛上有黑翳圓如鏡子之形淚出羞

濁難開疼痛極甚先用羚羊角飲次生熟地黃丸

混睛障症有赤白二種謂漫珠皆一色之障也患之者最多

外障

信上之上

三三

仙記眼科



赤者易治於白者赤者怕赤脉外爬白者怕光滑如首飾  
此二樣牽帶者必難退而易發也若先因別症而成混睛  
障則障去原病見矣若無別症到底只是一色者即混睛  
障因而犯禁觸發者則變症先治變症後治本病醫通一  
種白睛先赤而後痛癢迎風有淚閉塞難開或時無事不  
久又發年深則睛變成碧色滿目如凝脂赤露如橫赤絲  
此毒風積熱所致醫宗白睛先赤混赤漸生赤脉遮漫烏  
睛或白或赤漫珠一色白忌光滑如苔赤忌赤脉外散其  
症初起先癢後痛漸至眇濇淚出羞明隱痛視物昏蒙此  
乃肝臟毒風與瘀血上凝所致先宜刷洗去瘀服地黃散  
準繩同

五  
花障症生於神珠之上斑斑雜雜蓋五臟經絡之氣俱傷  
結為此疾其色或白或糙米色或肉色中帶焦黃微紅藍

色斑爛駁雜不一若中有一點黑色者乃腎絡氣見  
雖治不能盡去此狀如斑脂翳瑪腦內傷形畧相似  
翳乃破而結成癍痕不能去者瑪腦內傷乃小而薄未掩  
查神之輕者此則高厚顯大生在膏外可退不同耳醫通  
用神消散皂角丸外點藥

睛中一點似銀星症白點一顆如星光滑當睛中蓋定雖久  
不大不小傍視童神在內只是小些其視光華亦損乃目  
痛時不忌房事及服滲泄下焦寒涼之藥過多火雖退而  
腎絡氣帶膏凝結為此病雖服不退點亦不除終身之患  
也 或用猪胆汁加蜜少許煎入片點去星

肝虛積熱生翳症醫宗此症時發時歇初則紅腫痛疼瀉淚  
難開久則漸重遂生翳膜視物昏暗宜青箱子丸按如前聚  
開障同  
膜入水輪症醫宗此症因黑白睛上生瘡而起愈後瘡痕不  
信上之上

外障

信上之上

三四仙記眼科



沒漸生翳膜侵入水輪此乃肝經積熱大腸燥滯邪熱上逆所致用退熱飲子

刺撞生翳症目被物撞觸而結為外障也與在膏上急者不

同初撞目時亦有珠痛瀉脹之苦為其傷輕而疾自消

散故痛雖止不戒禁忌有所觸發其火致水不清氣滯絡

瀉而生外障有撞雖輕反不知害有所觸犯遂為外障者

有撞重不戒反觸而變凶疾者凡外障結而珠疼頭痛及

腫脹者皆是惡症急治之治見為物所傷門同醫宗撞刺生翳症

或被竹木撞刺成瘡治療不淨留痕日久瘀血凝滯積生

翳膜赤脈滿目瀉痛淚出宜經效散清熱散瘀

因他患後生翳症醫宗為患後生翳也初則赤爛久則生雲

翳遮蔽瞳人視無所見醫者當細看翳心若不黃赤猶能通三先者可治宜常服犀角可愈



瘰癧

瘰癧肉攀睛症多起上輪有障如肉或如黃油至後漸漸而長

積赤瘰癧起如肉或色如珠凡性躁暴恃嗜辛熱之人易積

此者多久則漫珠積肉視亦不見治宜殺伐久久自愈積

而瘰甚惡症及珠尚露者不必用鉤割之治或赤爛多年

肝經為風所衝而成或用力作勞有傷氣而得或癢或痛

自二背頭努出心氣不甯憂慮不已遂乃攀睛或起筋膜

宜服洗刁散及二黃散定心丸醫宗此症起於大眦初則

漸侵風輪久則掩過童人或癢或痛多因赤爛年久或肺

經風熱壅盛所致初起點藥努瘰自退久則堅韌難消必

須鉤割熨烙服除風湯倪仲賢云陽躄受邪內眦則生赤

脉縷縷根生瘰癧肉瘰癧肉生黃赤脂脂橫侵黑睛漸蝕神水

此陽躄受病之次第也俗呼為攀睛是也宜退翳丸勝奇

瘰癧

信上之上

三五克仁眼科



散外用鈎割點藥又目生努肉或癢或痛漸侵瞳人屬  
仁去皮尖二錢半水粉五分輕粉五分研勻綿裹頭  
之

馬蝗積症與努肉大同小異蓋殺伐內外藥治皆同但努肉  
有不割而治愈者故曰小異也亦有是努肉先起後變為  
重其狀二頭尖薄中間高厚肉紅色若馬蝗狀橫臥於中  
四匝有薄薄肉油紫赤筋脉圍繞乃血分之病久久方成  
最不易治且難去而易來風疾人每多患此治之必先鈎  
割十去五六方用殺伐之藥則有功不割則藥不敵病勢  
徒費力然割須用烙其根處不爾則朝去暮生在受痛楚  
多則有激邪之禍變症出焉外雖劫治內須平治不然外  
雖平而內必發徒勞無功此狀乃橫條非若努肉攀睛漫  
積之謂也





肺癆症由背而起貫過氣輪如皮似筋橫帶至於風輪光不損甚則掩及童神方礙瞻視大抵十之八九皆由火背而起有赤白二種赤者血分白者氣分其原在心肺一經初起薄薄黃脂或赤脉數條後漸漸大而厚赤者少白者多雖赤者亦是白者所致蓋有白而不忘火毒并熱故傷血而赤非血分之本病也治赤雖退其質不退必須殺伐殺伐之治須不見形勢之惡久而且痛功亦遲緩云殺伐者是有去毒藥是則痛不若一割即去烙之免其再發大抵眼科鉤割一法唯此患得力甚效

雞冠蜆肉症二症形色相類經絡相同治亦一法故總言之冰二病同生之謂也其狀色紫如肉形類雞冠蜆肉者即是多生脾背之間然後害及氣輪遮掩於目治者須用割治七八後用殺伐不然藥徒費功若割亦用烙定方好其



目大背內有肉一塊如雞冠蚘肉者乃心經血部之英華  
若誤割者輕則損目重則傷命慎之服抽風湯決明散醫  
宗雞冠蚘肉症漸漸而長從大背侵入風輪久則掩及全  
目此乃脾胃積熱肝風上衝所致抽風湯大全有眼內  
生如菌頭蚘肉根小頭先長垂出甚者眼翻流淚亦致昏  
蒙因脾蘊熱凝結而成宜涼膈清脾飲按此症用浮萍搗爛加米煎  
貼上甚神

魚子石榴症二症經絡同治亦同故總言之亦非二病同生  
此症非聚星之比又非玉粒之比其狀生肉一片外面纍  
纍顆顆叢生於目或淡紅色或淡黃色或肉色石榴狀如  
榴子綻露於房其病紅肉顆或四或六或八四角生來障  
滿神珠視亦不見已上二張俱是血部病痰實之症目疾  
之惡症也治用割割後見三光者方可伐治三光瞋黑者  
童神有損不必治按初起未成宜大黃當歸散宣明丸蟬花活血湯皆治痰之  
藥可選用

赤豆症氣輪有赤脉貫注直落風輪風輪上  
起色紅初如赤小豆次後積大專為內有瘀血之  
急宜開導漸通顆亦漸消若有貫接者必絡中有血貫  
宜向所來之處尋看量其輕重而導之病到此十有九損  
白珠上獨自有顆鮮紅者亦是瘀滯上下無絲脉接貫者  
只用點服自消若白輪有紅顆而脹急瀉痛者有變若白  
珠雖有紅顆而珠不疼雖疼不甚者病輕治亦退善消可  
矣

按白珠有顆洗心散瀉青丸合方  
心火剋肺金

### 脾病

脾病大全云脾喜燥惡溼若內多溼熱外傷風邪津液耗瀆  
膏血枯乾或內急外弛以致生諸病陽虛則為倒睫等症  
陰虛則為散大等症大要溼熱所侵者以和解為要陰陽  
偏勝者滋榮調衛為先

脾病

信上之上

三十七

眼科



倒睫拳毛症眼睫毛倒卷入眼中央也久則赤爛毛刺於內  
 神水不清以致障結且多礙瀉淚出之苦人有拔去剪去  
 者有用夾板去腐上脾者得效雖速不知內病不除未幾  
 復倒云是向寬復夾至三四月亦急縮細小徒損無益終  
 莫知悞愚之甚也東垣云眼生倒睫拳毛而二目緊急皮  
 縮之所致也蓋內伏熱攻陰氣外行當去其內熱并火邪  
 眼皮緩則眼毛立出翳膜立退用手攀出內瞼向外以磁  
 針速針出血以左手指甲迎右針鋒立愈山嵐方云眼毛  
 倒睫拔去毛用虱子血點數次即愈倪仲賢論內急外弛  
 之病曰陽火內盛故上下瞼之內緊縮而不解陰氣外行  
 故上下瞼之外寬縱不收上下瞼既內急外弛故瞼毛皆  
 倒而刺裏睛既受刺則深赤生翳此翳者睛受損也故目  
 所病者皆具如羞明沙瀉畏風怕日赤爛溼淚或痛或癢



生眇之症俱見治法當拔出瞼內向外連以磁針刺出  
在左手大指迎其針鋒服以黃芪湯蔓京子湯搐鼻散醫  
宗此症脾熱所風合邪上壅所致服細辛湯內清熱散  
風邪大金用緊皮膏外塗日三五次

脾急緊小症謂眼楞緊急縮小乃倒睫之漸若不曾治而漸  
縮小者乃膏津血液濇耗筋脈緊急之故若治而急小者  
治之之故患者多因皮寬倒睫去上脾失於內治愈後  
復倒復如遂致津液損而脈不舒脾肉壞而血不足目故  
急小有不當割導而頻數開導又不能滋其內以致血液  
耗而急小凡因治而愈者若不乘時滋養則絡氣滯雖治  
不復愈矣神效黃湯小角偏緊連翹飲子婁全善云陽虛  
則眼楞緊急陰虛則童神散大故東垣治眼楞緊急用參  
芪為君佐以辛散疎之而忌芍藥五味之類酸收是也治

脾為

信上之上

三十八

眼科

童子散大用地黃枸杞補血佐以酸味收斂是也而忌

蔚子青箱子之類

脾肉粘輪症目內脾之肉與氣輪相粘不開難於轉運有熱

燥血湧者目必赤有熱退血散失於治療者其狀雖粘

日珠亦痛止須用劑洗治之若赤痛時生粘者必有痰

宜漸導漸劇如別病雖退而粘生不斷亦須劑洗漸開仍

防血熱復粘生合須用藥時分之醫宗二瞼睛內生瘡眇

淚癢痛胞瞼粘合難開此乃是脾胃中風溼熱甚合邪上

攻宜防風通聖散加羌活細辛京子菊花

胞肉膠粘症二脾臟沫粘合難開夜臥尤甚輕者則如膠粘

刷重則結硬必得潤而後可開也其病重在脾肺溼熱之

故夫脾主氣氣化為水痰液為熱擊而出邪熱蒸之渾濁

不清出而為脾土燥溼所滯遂阻臚凝結而不流燥甚則



醫學大學圖書館版

結硬而痛故當清涼滋潤為主雖有珠障亦是水不清  
滯之故非障之愆久不治則有瘡爛之變內則有椒  
瘡羞明痰滯等症生之矣

脾

翻粘臉症乃脾翻轉貼在外臉之上如舌舐脣之狀乃氣  
滯血湧於內皮急絲弔於外故不能復轉有自病壅翻而  
轉有因翻皮看病為風熱搏滯不得復還而轉大抵多風  
溼之滯所致故風疾人患者多治亦難愈非風者易治宜  
用劇洗開導之法醫宗風牽臉出之症乃臉皮翻出向外  
上下眇臉俱赤眇淚淋漓皆由胃經積熱肝有風邪宜先  
用劇洗去疥服黃芪湯清熱散邪

胞

肉膠凝症醫宗乃脾中蠱肉壅起初小漸大摩隱童人眼  
胞溼爛眇淚膠粘此脾胃中邪風溼熱上壅於目所致宜  
通脾瀉胃湯散風清熱二解其邪

脾病

信上之上

三十九

青心眼科



脾輪振跳症謂目脾不待人開合而自牽拽振跳也乃氣分  
之病屬肝脾二經經絡牽振之患人皆呼為風殊不知血  
虛而氣不順非純風也若有溼爛及頭風病者方是風邪  
之故久而不治為牽弔敗壞之病

瘀血脾泛症謂脾內之肉紫瘀浮泛如臭血壞泛之狀其色  
紫暈泛起甚則細細如泡無數相連成片蓋脾絡中血滯  
又不忌火毒燥膩致積而不散其血皆不榮澤而瘀泛脾  
內之肉壞或碎脾出血因而冒風傷其血血滯濇而脾  
肉不得潤澤此乃久積之病也非比暴症治以活血為上  
甚者方以劫治輕者止用殺伐之治足矣

脾虛如毳症謂脾腫如毳狀也目尚無別病久有赤絲亂脈  
之患火重甚皮或紅目不痛溼痰與痰火夾搏者則有淚  
有眚爛之候乃火在氣舍之虛症不可誤認作腫如覆杯





血分之實病以二手掌擦熱拭之少平頃復如故可見其  
血不足而虛火壅於氣也醫通云目皮浮腫如毬也用補  
中益氣去升麻加葛根車前山梔澤瀉

### 風沿

風沿丹溪云眼系上風沿瞞中有積熱自飲食中夾怒氣而  
成頑痰痞塞濁氣不下降清氣不上升由是火益熾而水  
益降積而久也眼沿因膿漬而腫於中生細虫絲逐年不  
愈而多癢者是也大全外敷蠟脂蜜內服酒調通聖散

風眩赤爛症乃目脾沿赤爛垢膩也蓋血虛液少不能滋養  
脾肉以致溼熱滯於脾絡常時赤爛如是者非若迎風因  
邪乘虛之比久而不治則拳毛倒入損甚則溼爛溼垢而  
拳毛皆壞若先有障而後赤爛者乃經絡滯神水不清而  
爛治其障通其脈絡而自愈有因毛倒而拔剪損動精液

引入風邪以致壞爛各因其源濬之

迎風赤爛症謂目不論何風見之則赤爛無風則否與風眩赤爛入脾之絡者不同夫風屬木木強土弱則易侵因邪引邪內外夾攻土受木尅是以有風則病無風則愈赤爛者木土之正病也赤者木中之火症爛者土之溼症若痰而溼甚者爛勝赤若火盛者赤勝溼心乘肺乘者珠亦痛赤焉此專言見風赤爛之患與迎風冷熱淚症又不同醫通用川芎茶調散

按流氣散甚效

黃赤爛症謂赤爛唯皆有之目無別病也若目有別病而赤爛者乃因別火致傷其眚又非此比赤勝爛者火多乃勞心憂忿悖無形之火所傷溼勝赤者溼多乃恣躁嗜酒哭泣過多冒火衝烟風熱薰蒸有形所傷病屬心絡盛則火盛水不清而生瘡於眇邊也要分大小二眚君火相火之

位別洗刀散外用洗點藥

目淚

目淚不止經曰人之哀而泣涕者何氣使然曰心者五臟六腑之主也目者宗脈之所聚也上液之道也口鼻者氣之門戶也故悲哀愁憂則動心心動則五臟六腑皆搖搖則宗脈感宗脈感則液道開液道開故涕泣出焉液者所以灌精濡空竅者也故上液之道開則泣泣不止則液竭液竭則精不灌精不灌則目無所見矣故命曰奪精又曰厥則目無所見夫人厥則陽氣并於上陰氣并於下陽氣并於上則火獨光也陰氣并於下則足寒足寒則脹也夫一水不勝五火故目皆盲是以氣衝風泣下而不止夫風之中於目也陽氣內守於精是火氣燔目故見風則泣下也有以比之夫火疾風生乃能雨此之類也肝為淚運氣淚



出皆從風熱經曰厥陰司天之政三之氣天政布風乃時  
舉民病泣出是也張子和曰凡風衝淚出俗言作冷淚者  
非也風衝於內火發於外風熱相搏由是淚出內外皆治  
可愈外用貝母胡椒各一粒研細點眼服當歸飲子經云  
風氣與陽明入胃循脈而上至目內眦則寒中而泣出此  
中風寒而泣出也當歸湯服之東垣云水附木勢上為眼  
濇為眵為冷淚此皆由肺金之虛而肝木寡於畏也

迎  
東症謂目見東南風則濇痛淚出西北風則否與迎風赤  
爛迎風淚出未同而本異各症不論何風便發此二症則  
有東西之別以見生尅虛實之為病迎風之淚又專言其  
淚不帶別病而本病之深者又非迎東迎西之比故治亦  
不同迎東迎西又不同迎東乃肝之自病氣盛於血發春  
夏者多若迎西則虛受之而病發也

迎西症謂目見西北風則漉痛淚出見東南風則否乃肝虛受尅之病秋冬月發者多治當補肝之不足抑肺之有餘迎風冷淚症不論何時何風見則冷淚交流若赤爛障翳者非也乃水木二家血液不足陰邪之患與熱淚帶火者不同久而失治則有內障視眇等症生焉與無時冷淚又不同此為竅虛因邪引邪之患無時冷淚則內虛瞻腎自傷之患

迎風熱淚症不論何時何風見之則流熱淚若有別症及分風熱者皆非也乃肝瞻腎水木之精液不足故竅虛不密而風邪引出其淚水中有隱伏之火發故淚流而熱久而不治及有觸犯者則變為內障如螢星滿目等症

無時冷淚症目不赤不痛若無別病只是時常流出冷淚甚則視昏眇也非此迎風冷淚因虛引邪病尚輕者蓋津液

傷耗肝膽氣弱膏瀆腎不足幽隱之病已甚矣失治則有青盲內障視昏瞻眇之患精血衰敗之人惟陰毒及悲傷哭泣久鬱者又有產後悲泣太過者多此疾且為患又緩人不為慮往往罹其害而禍成也悔已遲矣

無時熱淚症謂無別病止是熱淚常流也若有別病而熱淚流出者乃火激動其水非此病之比蓋肝膽腎水耗而陰精虧瀆及勞心竭意過慮深思動其火而傷其汁也故血虛膏液不足之人哭泣太傷者每每患此久而失治觸犯者變為內障因其為患微緩故罹害者多矣準繩治法以上病症肝虛還睛丸補肝丸肝實瀉肝湯決明子方風熱羌活散青箱子丸風冷羌活散風溼菊花散目中溜火惡日與火隱瀆小角緊久視昏花迎風有淚連翹飲子

風衝淚出症醫宗風衝淚出其目見風淚出初則冬月甚久



以冬夏皆然此肝臟虛風熱邪所致若淚冷不赤不痛為  
虛宜補肝湯淚熱腫赤疼痛為實宜川芎茶調散醫通云  
肺臟久冷不時冷淚積於淚堂此淚通於肺難治久流令  
人目昏

氣壅如痰症脾內如痰白沫稠膩甚多拭之即有者是痰火  
上壅脾肺溼熱所致故好酒嗜燥悖鬱者多患此疾若覺  
脾腫及有絲脉虬赤者必有滯在血分防瘀血貫睛之變  
生

### 漏睛

漏睛大全云由眇頭結聚生瘡流出膿汁或如涎水粘睛上  
下不痛仍無翳膜此因心氣不甯乃小腸邪熱之故并風  
熱停留在眇中膿水或出於瘡口或在大小眇孔竅出者  
多流出不止是也倪仲賢云其病隱潛不自在稍覺眇

漏睛

信上之上

四三

眼科



視物微昏內眦穴竅開如針目按之則沁沁膿出有二目

俱病者有一目獨病者目屬肝內眦屬膀胱此蓋一經積

邪之所致故曰積熱必潰之病又曰漏睛眼者是也

瀉經湯按前有云心氣不甯小腸邪熱積熱必潰此法不愈當照外科瀉瘍托裏排膿等治是也

大眦漏症大眦之間生一漏時流血水其色暈腫脹而痛病

在心部火之實毒治法補比方瀉南方

小眦漏症小眦間生一漏時流血色鮮紅病由心胞終而來

相火橫行之候失治則神膏損而明喪矣當於北方中而

抑之按熟地生地黃柏枸杞黃連等

陰漏不論何部生漏但從黃昏至天曉則痛脹流水作青黑

色或腥臭不可聞日間則稍可非若他症之長流乃幽陰

中有伏隱之火隨氣上升而來故遇陰分即病重治當補

而清之 陽漏不論何部分生漏但日間脹痛流水其色



黃赤遇夜則稍可非若他漏長流也治當補正氣清血  
正漏症有漏生於風輪或正中或畧偏病至此目亦危矣若  
初發破淺則流出如痰白膏猶為可救至於日久而深則  
流血青黑膏汁損及童神喪明矣病屬肝腎二部目竅於  
肝主於腎故曰正漏 偏漏症漏生在氣輪金堅而位傍  
為害稍遲故曰偏漏其流如稠濁白水重則流膿久而失  
治水泄膏枯目亦損矣

外漏症生於二脾之外或流膿或流臭水脹痛則流出不脹  
則畧止其害目遲於各漏久而失治則脾壞氣泄膏水耗  
損目亦壞矣

竅漏症乃目傍竅中流出薄稠水如膿腥臭拭之即有久則  
目亦模糊也人嗜燥脫洒痰火淫熱者每患此疾久不治  
亦暗傷神水耗清神膏之害如氣壅如痰相似彼輕此重


如痰乃在外水不清驗內欲出不得出者此則從邪氣內  
薰蒸而出欲罷不能者治亦深淺遲速不同醫宗漏睛膿  
出生於瞼眥或流膿水或流清涎目無翳障不疼不痛乃  
風熱攻衝心火上炎宜竹葉瀉經湯

目瘍

按外科痔漏門有開管丸  
治諸漏甚效

目瘍大全云內經諸痛瘡癢皆屬心火火鬱內發致有斯疾  
蓋心主乎血血熱生風鬱內甚逸相傳襲故火能生土血  
注陽明主肌肉風熱與血熱相搏發見皮膚其症不一有  
黃膿而白者土生金母歸子也始生微癢而熱輕腫痛爛  
為熱極血凝化水氣滯成膿甚至寒熱作而飲食減充為  
可慮宣泄風毒涼心經解胃熱按目瘡疣皆因君火司令  
燥熱火邪所致宜散宜涼隨症施治

實熱生瘡症輕重不等痛癢不同重則有堆積高厚紫血膿



爛而腥臭者乃氣血不和火實之邪血分之熱尤重  
滯之症膏溷水濁每每流於脾腎皆成瘡血散而瘡自除  
勤勞溼熱人每多患脾腎成瘡無別腫痛症者亦輕而無  
妨若火盛瘡生堆重帶腫痛者又當急治恐觸氣沿於目  
內而病及於珠若先目病後生瘡必是熱沿他經凡見瘡  
生當驗部分以別之何源而來因其輕重而治按富如外科治  
椒瘡症生於脾內纍纍如瘡紅而堅者是也有則沙擦開張  
不便多淚而痛今人皆呼為粟瘡悞矣粟瘡亦生脾內但  
色黃軟而易散者醫者用燈心草搥刷洗出血取效效雖  
速但不可過若血損而光華有衰弱之患其症纍纍連片  
就碇高低不平及血疼滯者俱用刷洗去血中病即止不  
可過

粟瘡症生於二脾內細顆黃而軟者是也若頭痛目疼者內



必有變症大意是溼熱鬱於土為重椒瘡以風熱為重二  
症雖皆屬血分一易散一不易散故治亦不同有素好溼  
熱燥膩者亦有粟瘡若睛雖赤而痛不甚者雖有必退與  
重者不同不可悞認為玉粒分經玉粒乃淡黃色堅而消  
遲為變亦遲者醫宗椒瘡粟瘡之症或起於瞼邊或生於  
胞內淚多難睜少瀆摩睛疼痛粟瘡如粟色黃輒乃脾經  
溼熱椒瘡如椒其形紅硬屬脾經風熱并宜劇洗出血服  
除風清脾飲椒瘡倍苓連生地

風赤瘡痍症起於二眦其黑睛端然無恙惟瞼邊爛而紅赤  
此乃脾經風熱上攻所致宜急治之久則恐生翳膜遮蓋  
童睛用加減四物湯

脾生痰核症乃脾外皮肉有贅如豆堅而不疼火重於痰者  
皮或紅色乃痰因火滯而結此生於上脾者多有未治自